

Prins Carnaval a keda eligi



Durante un fiesta divertido pero no precisamente cu gran cantidad di hende, diasabra anochi den club di Aruba Jrs. Prins Carnaval 1959 a keda eligi. Despues cu e cuater candidatonan a worde presenta na e publico, un jurado di cinco persona a dicidi cu Roy Mac Donald di Commandeursbaai Club na Savaneta lo ta e Prins di e anja aki. Roy a scohe como su Pancho Robert de Kort.

Riba e foto: Prins y Pancho despues cu a worde anuncia cu ta nan a keda eligi. Riba e otro foto nos ta mira e candidato di Aruba Jrs. Francisco Loefstok — Koda — y su Pancho durante nan show.

Roy Mac Donald di Commandeursbaai Club Prins Carnaval 1959

ORANJESTAD — Diasabra nochi durante un fiesta di carnaval masha agradebi y cual a worde anima excelentemente door di e conjunto Sensacion Musical, den club di Aruba Jrs. na Oranjestad, Roy MacDonald a keda eligi como Prins Carnaval 1959 pa Aruba. E la worde eligi entre cuater candidato, e otro tres ta Ralph Benschop di Lago Heights Club, Buchee Muyale di Aruba Royal Club, Francisco Loefstok di Aruba Jrs.

Tabata despues di mei anochi ora cu e candidatonan a worde presenta uno pa uno na e publico y dilanti di microfoon pa cumisa mester a duna un prueba chiki di loke nan ta bal.

Un jury consistiendo di cinco per-

sona independiente di e candidatonan y di clubnan, a escohe Roy MacDonald, cual directamente despues cu esaki a hanja e noticia a bai su Club na Savaneta na unda nan tambe tabata celebrando nan prome fiesta di carnaval di 1959.

Ta di dos biaha cu Commandeursbaai Club ta entrega un Prins di Carnaval, na 1956 tabata Puppy Diaz kende a scohe Janny Arends como su Pancho. Prins Rudy I a scohe Robert de Kort como su Pancho.